

Marzer- II Contratto Meliziososo ~ 1768

CONTRATTO MALIZIOSO
O SIA
SIOR BASTIAN MARZER
F A R S A
D I . D U E P A R T I
IN LINGUA VENEZIANA
IN VERSI MARTELLIANI
DEL SIGNOR
PIETRO CANDONI
VENEZIANO,

Che si recita nel Teatro di San Cassiano nel
Carnovale dell' Anno 1768, M. V.



VE NE Z I A , M D C C L X V I I I . M . V .
Appresso GIO: MARIA BASSAGLIA,
In Merceria di San Salvatore.
CON LICENZA DE' SUPERIORI.

INTERLOCUTORI.

BASTIAN Marzer Vecchio avaro.

ANETA sò Nezza.

PIERIN moroso de Aneta.

MOMOLO servitor de Pierin finto el Conte ; Intrigabiss.

Quattro Persone che nò parla.

**La Scena stabile se finge in Venezia in la
Bottega de Bastian.**

P A R T E P R I M A.

S C E N A I.

Bastian, e Aneta.

Bottega di Bastian. Egli sta misurando dentro al banco alcune pezze di robba, ed Aneta lavora.

Anet. **M**Alignàza bottega! Laorar sera e mattina.
Sior barba mi son stufsa de viver da lassina.
Ogni dì passa un zorno, me va crescendo i anni.
Me voggio maridar, voi tiorme de sti affanni.

Bast. Che maridar! che voggio! Sentila là Sior mio.
Colla bocca da latte, le parla de Mario

Anet. Colla bocca da latte! Gò quindès anni, e vò (*caricato*)
Me par mò che sia ora che vòga che vòga via de quà,
Nò son pò alfin el Diavolo; sta robba è tutta mia.
Pussibile che un omo per Anna nò ghe sia?

El tioga. Vorlo altro? El me lo catta ello
Ma el se recorda fallo che el sia sovenè, e bello.

Bast. Se pol sentir de pezo? O povero Bastian
Se intende che se voggia, che ve fizza el mezzan?
Chi voleù che ve tioga? Un cao cusì insolente;
E pò brutta Sior mio, e pò bona da gnente.

Anet. Bona da gnente a mi! El gà per verità
Motivi de parlar in sta conformità?
Chi xe che el tien in conzo, chi tien netta la Casa,
Chi tien sù sta Bottega? Eh el se vergogna è el tafa.
El diga che piuttosto bisogno el gà de mi,
E che per sta rason me tocca a star cusi. (*ge*)
Crepèrò nol se indubita. Un gran tirran che el xe. (*pian-*

Bast. Ma cossa gò da far perchè ve maridè?
Tirar per el Tabarro chi trovo per fortuna?
E dir se la vol putte in casa ghe n'ho una.

Anet. Eh che no ghe bisogno de far de sti sempiezzi,
Marii no ghe ne manca quando ghe xe dei bezz;
Sior Zanetto Chierurgo, el fiò de Sior Antonio
Quante volte nò hai ditto de far sto matremonio?

Bast. Dò boni cai Sior mio. Un povero spianta
Che gà tutto el sò scrigno in tel capel bordà;
E l'altro un palazzista, Sior mio, un fior de virtù.

Ho ditto palazzista, nò posso dir de più

Anet. Sentì come che el parla? La xe la sò avarizia,
Che nò ghè lassa occhj da poder far giustizia.
Ghe n'è in tutti i mistieri de cattivi, e de boni;
E no se diè per uno chiamar tutti baroni,
El povero Pierin el varda quel che el fa,
L'è un zovene de spirito, un fiol d'abilità.

Un prencipiante appena che veste cussì ben,
Che gondola ogni zorno, che perucchier mantien.
Nol vede che concieri, che mode, che galoni?

Per dia che a far ste cosse ghe vol dei ducatonì.

Saria anca mi Lustrissima, e ho perso l'occasion

Basf. Più de tutti, i Lustrissimi mi stimo sto botton.

Questo vedèu xe un'abito questo è un vestir da omo, (*se pavoneggia.*)

A questo se ghe chiama capel da galantomo.

Un sacco de farina taccà su la perrucca,

Una squala da brodo in cima della zucca,

Spende tutti i sò bezzi in scarpe, in conzateste?

Che razza de pensar, che mode xe mai queste?

Colù in somma xe un matto, nol ga nè sal nè oggio,

E no vel voggio dar.

Anet. E mi mo Sior lo voggio

Basf. Lo voggio a vostro Barba che cerca sfadigar,
E trà tanti fuori per darve da magnar,
Eh cara vù laorè, tendè a quel che più importa
Pazienza; e pò... chi sà? Gnancora no sè morta
Sin che ghe xe del fìa ghe xe della speranza,
E per far dei spropositi del tempo sempre avvanza

Anet. Sior barba la se varda. Ghe perderò el rispetto.

Basf. Fève nasar Sior mio

Anet. Sanguè de mi. Cospetto.

Patrona del mio sangue un tegna me lo magna,

E mi povera grama son quà come una cagna.

Mò che destin xe el mio! Chi ghe staria a sto patto?

Me romperia la testa (*rompe una tazza*)

Basf. Ohime! cosa avèu fatto?

Un gotto de Boemia che gaverà cosa

Almanco trenta soldi a quel che me l'hà dà.

Trenta soldi Sior mio! Nò sò quel che me fazza.

Savèu che trenta soldi vol dir una lirazza,

Savèu che co' un da trenta quindese di se magna,

Savèu che per averli un mese se sparagna?

Tren-

Trenta soldi Sior mio! Frafcona, prepotente. (*rac-
coglie i vetri rotti*)

Anet. El tafa, che debotto se imbozzola la zente.

Bast. Che i se imbozzola pur, ma son un babuin
Se i dise de refarme de un bezzo, de un quattrin.
E pò no' i vol che pianza, Sior mio, nè che tarrocca.
Pazienza Poverazzo! Sti lotti a mi i me tocca.
Mo via che sièu crepada, moveve, via scoè. (*ad
Aneta che scopa.*)

Vardè anca vù per terra dei veri se cattè.
Se podesse saldarli a forza de bolini, (*si prova ad
unir li vetri.*)

Ma tutto costa bezzi Sior mio, tutto quattrini.
Poveri trenta soldi. O gotto delgrezià!
A fenir i to zorni mo come t'ha toccà!

Anet. Che arpia, che vecchto avaro! Se pol sentir de più.
El toga, e el la fenissà (*porge i vetri raccolti*)

Bast. E quei nò i tolè sù?

Anet. Tior sù anca le scoazze

Bast. Pazienza i torrò mi
Mo cossa che me tocca sofrir, Sior mio, a mi di?
Mi son un miserabile Sior mio, vu mo se ricca
Ma mi no ghe n'ho uno per diana se i me picca
Se gò altro in scarfella che possa andar in pezzi (*mo-
stra 3. bezzi in molte carte*)

Anet. El diga allo paura che i scampa quei tre bezzi?

Bast. Sentì savèu Sioireta. Debotto vien un fracco. (*nel
minacciar Aneta versa il tabacco*)

No ghe mancava altro. Gò spanto anca el tabacco.
Vintidò zorni e più che ghe fago le spese
E el me bastava ancora al manco per un mese
Mò che desditta è questa, che zorno benedetto;
Tutto gà d'andar storto.

Anet. Sior Barba el vaga in letto,
Ghe dago sto confeggio.

Bast. Tutto per vù petazza.

Anet. Sior Barba la mia dota.

Bast. Vè qua la sò manazza.

Anet. Ghe digo la mia dota.

Bast. No ve la posso dar

Anet. Anderò alla Giustizia

Bast. Andeve a far squartar.

Momolo mascherato. Pierino, e detti.

Mom. C Os' e questo fracasso?

Anet. Tiole; Zente in bottega.

Bast. Che i vegna.

Anet. Malignazo, el ziga che el se sbrega.

Pier. Cossa ghè Sior Bastian che el xe cussì istizza?

Un mondo de canaggia de fora s' ha ingrumà.

Caro ello prudenza.

Bast. Vu Sior gavè bon dir.

Ma no me donè un soldo se me vedè a morir.

Pier. No là ghe n' ha bisogno.

Bast. Ghe n' ho necessità.

Se savevsi

Pier. Via anemo. Mò cossa mai farà?

Anet. Per un strazzo de goto el fa sto gran fuffuro.

Bast. E el tabacco che ho spanto? Gran testa, gran tamburo.

Causa quel cao de tutto.

Pier. Causa la Siora Aneta?

Mom. Quella bella ragazza?

Bast. Sibben, quella fraschetta.

Mom. E tanto schiamazzio voi fate per un gotto?

Quanto vale?

Bast. Per gnente Sior mio l' ha mel ha rotto.

Mom. Dimando quel che vale, nulla m' importa il resto.

Bast. Trentaotto soldi e un bezzo.

Mom. Ne v' è altro mal che questo?

Anet. El ghe zonze otto soldi (da sè).

Mom. Il bezzo che cos' è?

Bast. Mezzo soldo Sior mio, sie bagattini i xe.

Mom. Ebben vecchio prendete. (gli da un Ducato).

Bast. Un ducato!

Mom. A buon conto.

Anet. La scusa Siora Maschera ma questo xe un affronto.

Bast. Eh tasè là fraschetta. Cara ella la perdona,

La xe ancora putella.

Pier. Che razza sfondradona (da se).

Bast. Questi vedèu se chiama dasseno galantomoni.

A questo se ghe dise un far da Zentilomeni.

Per conto de vn altri Lustrissimi giazzai.

Che

Che avè tanta baldoria perchè sè infarinai

Avèu mai fatto tanto a i vostri di Sior mio?

Mom. Vecchio abbiate giudizio che questi è amico mio

Bast. No parlo più Celenza.

Mom. Vi passa il vostro affanno

Bast. Me despiase, ma basta...

Mom. Che c'è un altro malanno?

Bast. El tabacco...

Anet. O che tegna! El vol che el ghe lo paga (*dase*)

Pier. No vorave affrontarlo, da resto... (*mostra mezzo du-*

Bast. Eh la mel daga *cato*).

Complimenti? I xe smorfie. Ringrazio Vufustrissima

Anet. Quattro Lire!

Mom. Eh tacete Fanciulla amabilissima

E' vostra figlia?

Bast. Oibò; la xe, per mio malanno

Mia Nezza.

Mom. E ha Padre vivo?

Bast. L'è morto che xe un anno

Mom. Mo che bella fanciulla!

Anet. Signor le man a casa

Bast. Che rustega! Via Aneta.

Anet. Caro Sior Barba el tafa.

Pier. Sior' Aneta xe savia, l'e piena de vergogna.

N'è vero? (*stringe la mand' Aneta*)

Bast. Me consolo ch' lù no gà la rognà;

L'ha speso quattro lire; pazienza. (*dase*)

Mom. Ehi vecchio mio.

Bast. E dai pur co' sto vecchio.

Mom. Dunque voi siete il Zio?

Bast. E quella xe la Nezza. Ma nò la me maltratta.

Son vecchio, perchè ancuo no gò la barba fatta

Mom. E per cosa non farvela?

Bast. Perchè ghe vol quattrini.

Mom. Parla così un Mercante ch'è pieno di zecchini?

Bast. De zecchini! O magari Celenza benedetto

Mom. E a farvi questa barba che ci vorria?

Bast. Un traeretto.

Un traeretto Celenza. No son Sior mio de quelli

Che butta via i sò bezzi per comparir, più belli.

Se un traeretto ghe basta, Sior mio lo butto via.

Noi vuol? Porto la barba tutta la vita mia

Mom. Ebben questo zecchino vecchieto mio prendete

Bast. Per la barba un zecchin! O basta do gazzette

Mom. Caro il mio vecchio

Bast. Vecchio?

Mom. Ma come vi chiamate?

Bast. Bastian a i so comandi.

Mom. Bastian voi m'incantate.

Bast. Vardelo quel carogna. El l'urta col zenocchio;
Eh per mezzo ducato se pol ferrar un occhio. (*da se*
accennando Pierino)

Mom. Aneta?

Anet. La comandi.

Mom. Avrete molti amanti?

Bast. Celenza gnanca uno.

Anet. Voi ben a tutti quanti.

Mom. Vo'ete maritarvi?

Anet. Magari. (*guarda Pier.*)

Mom. Lo guardate?

Che sì vezzosa Aneta che il mio Pierino amate?
Il prendereste... E voi? (*a Pierino*)

Bast. L'è troppo poveretta;

Chi vorla che la tioga Celenza benedetta?

Mom. Ma non ha dote?

Bast. O giusto Sior mio la se fegura

Che dota porla aver sta povera creatura?

La tende alla bottega, la se inzegna a laorar;

E po n'è vero Aneta vu stè da maridar?

Pier. Sior Bastian no la petta sta forte de busia.

Oe Aneta.

Anet. Morbin (*Pierin stringe la man d' Aneta.*)

Bast. E strenzi. (*da se*)

Pier. Vita mia.

Mom. Orsù Signor Bastiano che mercanzie vendete?

Bast. Marcanzie d'ogni sorte, e tutte mò perfette

Delle Stoffe, dei drappi, Panni che vien d'Olanda,

Dei Veludi, che fोगiomi, de quel che la comanda.

Mom. Lasciatemi vedere sei braccia di veluto.

Bast. De che color Celenza?

Mom. Nero

Bast. La servo (*Bastian parte e Momolo si leva*

Anet. Ajuto. *la maschera*)

Momolo, el servitor!

Pier. Sibben caro el mio ben,

Questa xè un invenzion.

Anet. Pierin...

P A R T E P R I M A .

Pier. Zitto che el vien (*Bast. torna*)

Bast. La varda mo Celenza la veda questo quà,
No ghe n'è de più belli in tutta la Città.

Mom. Tagliatene sei braccia.

Bast. Subito.

Mom. Quanto vale?

Bast. Quaranta lire al braccio. (*ridendo*)

Mom. Al braccio? Eh poco male.

Avete del Brocato?

Bast. Celenza sì, e cò bello.

Vorla che ge lo mostra?

Mom. Mostratemi anche quello.

Oe Siora Anet. (*Bastian parte, e Momolo si scopre*)

Anet. Ah matto.

Pier. Via tendi al tò mistier;

Tutto perchè sta sera ve voggio mia Muggier.

Anet. Ma come?

Pier. Ghe la ficco da bon come che và,
Vu tasè e lasse far... O zitto che l'è quà (*Bastian torna*)

Bast. La varda mo el brocado, e el dago a bon marca
Vorla che taggia?

Mom. E il prezzo?

Bast. Da dir no ghe farà.

Mom. Tagliatene tre braccia.

Bast. Tagia.

Mom. Quanto volete?

Bast. Cinque zecchini al braccio.

Mom. E meno non potete?

Bast. Via che se giusteremo. Con ela nò contendo.
A un Cavalier par sò ancuo dono, e nò vendo.
Tre fia cinque fa quindese. I è quindese zecchini.
Tresento, e trenta lire.

Mom. E quanti bagattini?

Bast. Sti avari, sti spilorze, che varda anca i bezzoni,
I abomino, i detesto, i xe tutti baroni.
Come che el Ciel li tolera in verità nol sò
Mi averò tutti i vizj, ma l'avarizia nò
Siela pur maledetta, e a so marzo despetto;
La senta Zentilomo a costa me remetto.
Tresento e trenta lire? Tresento, e vintidò.
La me daga subito, e quel broccado e sò
Eh l'è vero Sior mio, mi son largo de man

Pier. Xè vero. In sto paese l'è solo el sior Bastian.

La senta nò Celenza. (*parla in disparte a Mom.*)

Bast. Gran zorno fortuna.

Un omo più corrente nò gò mai più càttà,
El stima manco l'oro, che no xe mi i bezzoni,
O che scigno me fazzo a spalle dei minchioni.

Mom. Sentite caro amico. La cosa assai mi preme
Io voglio che facciamo un gran negozio insieme

Bast. Un gran negozio! E vero?

Pier. La me ringrazia mi

Una fortuna ugual nò la gà bù ai sò di

Bast. La diga mo Lustrissimo, Celenza cosa è stà?

(Gran Pallazzisti furbi.) (*da se*)

Pier. El casca in verità. (*ad Anet*)

Mom. Vorrei . . . ma nò . . .

Bast. La diga

Mom. Il colpo è troppo grosso.

Bast. Celenza benedetta son quà dove che posso

Mom. Si tratta di milioni.

Bast. Millioni! O providenza.

Mom. Non vorrei ingannarmi.

Bast. O giusto! No Celenza.

Mom. Quattro sacchi di doppie? Infatti il colpo è grave

Bast. Quattro sacchi de doppie! Li gala in qualche nave?

Mom. Li ho a Casa e tutti vostri saranno questa sera
Se voi . . .

Bast. No la se indubita, i togo volentiera

Pier. Mo via caro Sior Conte ghe vol resoluzion;

Questo la se assicura xè un galantomenon

In verità Celenza nò ghe ne xè de uguali.

Mom. Orsù volete vendermi i vostri capitali?

Bast. Tutti?

Mom. Si Tutti.

Bast. O bella! E cosa vorla far

De tutta sta bottega?

Mom. Farò quel che mi par.

Ebben voi non volete, ed io . . .

Bast. Ma chi l' ha ditto?

Quattro sacchi de doppie?

Mom. Facciam dunque uno scritto.

Bast. Xei pieni?

Mom. Li vedrete.

Bast. Cosa diseu vu Siora?

Anet. El fazza quel che el vol.

Mom. Sbrigatevi in buon ora.

Bast.

Bast. Ghe perderò.

Mom. Non voglio il vostro pregiudizio.

Bast. Vaga la vita, e i bezzi cò se pol far servizio.
Celenza si l'è ditta, per mi me sottoscrivo.

Mom. Ebben dunque scrivete.

Bast. La detta che mi scrivo.

Pier. Sallo far la so parte? El ghe calcà el macaco (piano ad Anet.)

Anet. Tasè, no disè quattro infìn che nò i xè in facco (piano a Pierino)

Mom. Scrivete.

Bast. Ma Celenza vedemose in tel muso;
Con chi mi no cognosso, negozj nò ghe n' uso
La perdona Sior mio.

Mom. Adesso sì son fritto. (da se)

Pier. Questa nò l' aspettava. (piano ad Anet.)

Anet. Mò nò vel hoggio ditto? (piano a Pier.)

Mom. Non avete creanza. Da me nescun si sforza.
Non voglio far ballare degl'asini per forza.

Bast. A mi sto complimento?

Mom. A voi così rispondo;
Quattro sacchi di doppie, e compro tutto il Mondo.

Ma di voi mi stupisco, e mi stupisco forte, (a Pierino)
Che a propor mi venite un uom di questa sorte.

Pier. Celenza la me scusa. Nò averia mai credesto
Che un omo cussi splendido tremasse cussi presto,
Gossa ghe importa a ello de venderghe anca a un piavolo?
Mi quando vedo i bezzi, ghe vendo infina al Diavolo.

Bast. Ghe n' è tanti Sior mio in maschera dei sbrisi.

Mom. Morblè! Così si parla col Conte Intrigabisi?
Ora già sai chi sono. Il nome te l' ho detto,
Sebben tengo la maschera a tuo marcio dispetto.

Ringrazia tua Nipote, di cui ho compassione,
Se non ti fiacco il collo a colpi di bastone;

Ma senti voglio certo che alle tue spese impari,
Cosa vuol dire il farla a un Cavalier mio pari.

Bast. Celenza la perdona, se m' hò troppo avvanza.

Pier. Ah caro Sior Bastian la s' ha precipità.

Bast. O poveretto mi! Per carità Sior Conte
Quattro sacchi de doppie! Me butto zò d' un ponte

Anet. A sò danno in malorcega. Nol crederia a so Pare.

Bast. Celenza benedetta (bacciando il tabarro di Momolo)

Mom. L' avete da pagare.

Bast. Possibile che donca nò ghe sia più perdon?

La tioga vorla altro? Me butto in zenocchion (s' ingi-

Mom. Non vi ascolto.

nocchia.)

Pier.

Ah Celenza l'età la compatissa.

Alfin a tutti i omeni qualche parola sbrissa.

El xè quà pronto a tutto.

Bast.

Prontissimo Celenza.

Mom.

Ha fatto il male? Ebbene; dee far la penitenza.

[Pier.] Gran furbo! Per ficcarghela bisogna che i lo prega. (da se)

Anet.

Pussibile Celenza che a mi la me lo nega?

Bast.

Via sì per la mia putta. Co ella no fa frutto

Xè fenie le speranze.

(da se)

Mom.

A voi concedo tutto

Per voi la grazia è fatta.

Anet.

Vorla più far vendetta?

Mom.

No, per voi gli perdono.

Bast.

Che siela benedetta.

Via baseghe la man.

(ad Aneta)

Mom.

Metterò giù io stesso

Due righe di scrittura, che leggeremo adesso.

Vi piaceranno? bene. Si sottoscriverà

si chiamerà il Notajo, e le stipulerà.

Verrò poi con li sacchi di doppie, che vi ho detti;

Prima io gli contanti, e dopo voi gli effetti;

E se la mia Scrittura dannosa a voi si stima,

Direte non mi piace e amici come prima.

Che dite?

Bast.

Son contento.

Mom.

Per sbrio el ghe xè el minchion,

E perchè ghe la ficca l'ho visto in zenocchion (da se)

Bast.

Bisogna dir Sior mio che ghè i gran Signoroni,

Quattro sacchi de doppie? Chi fa quanti milioni?

Con mezzo sacco al più fornissio ste scanzie;

Ma che forte de robba, che meggio marcanzie,

E ancora a mi me resta el scrigno pien de oro,

Bastian questa è la volta che ti ti fa un tesoro.

Mom.

Ecco esteso il contratto.

(dopo aver scritto.)

Bast.

Lal leza mo Celenza.

Vorla che el leza mi?

Mom.

Un poco di pazienza.

Adesso ve lo leggo. Sentite, e state attento.

Del mille settecento

Bast.

Del mille e settecento.

Mom. E sessant'otto & cetera,

Bast.

Bast.

Et cætera.

Mom.

Nel mese

Et cætera, nel giorno & cætera

Bast.

E el paese?

Mom.

Mo pazienza. In Venezia; Nella contrada & cætera

Bast.

E dai pur. Co sti & cætera se impeniria una lettera.
Se frua un mondo de carta.

Mom.

La colpa è dell'ufanza.

Bast.

A mi no la me piafe.

Anet.

La fa dolor de panza.

Bast.

Gran fraschetta!

Mom.

Io vendo, e cedo

Bast.

A chi? El se spiega.

Mom.

Pazienza, tutto quello che stà in questa bottega;

E ciò senza risserva, e niente eccettuato,

A chi ofrirà il presente in nome mio segnato

Bast.

E el prezzo?

Mom.

Mo aspettate.

Bast.

Le doppie?

Mom.

E vendo il tutto

A condizione, e patto d' avere l' usufrutto

Di quattro sacchi

Bast.

E grandi.

Mom.

Di doppie.

Bast.

E che i sia pieni.

Mom.

Promettendo & cætera, con tutti li miei Beni,

Et cætera;

Bast.

Dasseno tornemo al primo quia.

Mom.

In quorum & cætera. Prendete.

Bast.

Ella senia?

Mom.

Sibben. Questa è la carta. Leggetela anche voi.

Bast.

Quà i vol esser occhiali per far i fatti soi (legge sotto voce)

Pier.

Mario, e Muggier faremo avanti de doman. (piano ad

Mom.

Le se ricorda sàlle che voi la bonaman. An.)

Pier.

Xè giusto.

Mom.

Vecchio mamò! Gnancora no l'ha letto.

Anet.

Gallo perso qualcoffa? (a Bast. vedendo che vuota le scarfelle)

Bast.

No catto el fazzoletto.

Gran ladri gran baroni!

Pier.

O questasi xè bella! (da se)

Bast.

I me l'averà tiolto sti cani de scarfella.

Pier.

Via via la tioga questo. Ghe bastelo la diga?

Bast. Grazie. L'è quà daffeno, a forza de fadiga. (*trova un fazzoletto stracciato*)
O sia ringrazia el Cielo.

Mom. E quello il fazzoletto?

Bast. Cara ella a mi el me comoda.

Mom. O siestu maledetto (*da se*)

Anet. E el sò nol ghe lo dà?

Pier. Lal tegna Sior Bastian

Queste le xè freddure.

Bast. Ghe lo darò doman.

Mom. Orsù Bastian.

Bast. Celenza.

Mom. Vi piace il mio contratto?

Bast. Sibben.

Mom. Sottoscrivetevi, ed il negozio è fatto.

Bast. Servida.

Mom. Io vado subito a farlo stipulare

Pier. In verità cussù ghe la faria a so Pare (*piano ad Aneta*)

Bast. Ghe raccomando i facchi. Che li vedemo presto.

Mom. Sia pur pronta la robba, ed io penserò al resto (*guirlo*)

Bast. Me raccomando a ela. Celenza. La permetta (*vuol se*)

Mom. Non voglio. Addio Bastiano. Vi riverisco Aneta?

Pier. Patroni, a bon revederse.

Bast. Revederse? Ma quando?

Pier. Debotto.

Bast. Ma coi facchi.

Pier. Sior sì.

Bast. Me raccomando. (*Pierin, e Momolo partono*)

E viva. O che negotio! Gran mi! Gran far! Gran zucca!

Traria dall'allegrezza sul fuoco la perrucca.

Quattro facchi de doppie! Via presto andè in mezzà,

Parecchie quella robba che xè de quà, e de là.

Mi intanto, desfornisso quelle scarzie in canton.

Gran zorno! gran fortuna! gran mi! gran negozion!

Il Fine della Prima Parte.

P A R T E S E C O N D A

S C E N A I.

La Bottega medema,

Vi faranno sopra il Banco alcuni fagotti

Bastian, e Aneta.

Bast. **X** Eli vegnui gnancora?

Anet. Gnancora no i se vede

Bast. I m' ha burlà seguro. Gran ladri senza fede
I quattro sacchi è andai.

Anet. Mo via nol se despera;
Ancora i pol vegnir, gnancora no xè sera.

Bast. Quel vostro Pallazzista gran omo de parola!
Za mi Sior mio l' ho dito che el gà un cervel che svola.
Pazienza el me l' ha fatta.

Anet. Alfin gnente i ga bù

Bast. Sibben ma i quattro sacchi de doppie no vien più

Anet. Ma cossa vorla far? Ghe resta tutto el sò.
O i bezzi, oppur la robba?

Bast. Vorave tutti dò.

Anet. (Gran vecchio!) (da se)

Bast. Fegurar se! Baroni de palazzo.

Voi darghe cò lo vedo del birba, del furbazzo.

E i bezzi del broccado che el m' ha fatto tagiar?

Cospetto de Mazorbo el voggio far citar.

Baron de magna carta, Lustrissimo indurio.

Anet. E sì la se contenta che el voggio per Mario.

Bast. Vostro Mario culu? El mazzerò cospetto.

Anet. Bisogna darghe prima indrio el so fazzoletto.

Bast. Che indrio, che fazzoletto! No me ricordo gnente

Anet. Gnanca el mezzo ducato.

Bast. Fenila impertinente.

E quel Conte Pastizzo! Chi fa che galantom?

Baroni! E cò pulito che el fava el zentilomo.

El gran Mondo, Sior mio, gran furbi gran malizia!

Almanco me consolo che quà se fa giustizia

Infìn semo a Venezia, e grami chi se intriga,

Vi-

Vivemo in t' un paese che i ladri i li castiga.

Anet. Cossa gali robba che ladri la li chiama?

I xe do galantomeni.

Bast. Me burlela Madama?

La i proteggia Sior mio, ma mi ghe son nemigo.

Anet. Mi credo che de elo, no ghe ne importa un figo.

Bast. Pol esser che ghe fizza vègnir el batticuor.

Quattro sacchi de doppie.

Anet. N'è vero? I sta sul cuor.

Bast. In somma manco chiaccole Sior mio la sia fenìa.

Tiole sù quei fagotti, e andeli a metter via.

Portè zolo le chiave che averze el magazen.

Voggio metter via tutto.

Anet. E se debotto i vien?

Bast. Se i vien... Eh che no i vien. No son Sior mio un aloco.

Anet. No galo aspettà tanto? L' aspetta un' altro poco.

Bast. E pò se i me burlasse?

Anet. Perchè hai da minchionarlo?

Bast. Perchè, perchè Sior mio, mi sò come che parlo.

El mel diseva sempre mio Pare poverazzo;

Piuttosto credi al Diavolo che a zente de palazzo.

Anet. Donca el fuggie sta zente?

Bast. Sì; come el can dal gatto.

Anet. El la fuggie, el se fida de scriver un contratto?

Ghe vol un gran perchè.

Bast. Lo gò el perchè seguro.

Quattro sacchi de doppie Sior mio l'è un gran sconsuro.

Anet. El tafa; I vegnirà. El li ha da vadagnar.

Bast. O almanco el Ciel sta volta ve fasselo parlar.

Anet. Caro Sior Barba el diga, se ghe indovinerò

Me doneralo gnente?

Bast. Sibben ve donerò.

Voi darve.....

Anet. Cossa mai un pigna cusi fretta? (da sè)

Bast. Voi farve un gran regalo. Voi darve una gazetta.

Anet. Grazie.

Bast. Vederè Aneta, se la và ben ancuo

Mò come che me scambio, mò come che me muo.

Economia Sior mio a casa de colù.

Mia Nezza, vel prometto, no la sfadiga più.

Ogni dì el so sguazzeto, del pan, e del vin piccolo.

Cols' è sto bever acqua? No voi farme redicolo.

Co sarà i dì de magro se magna i so bisatti.

Che

Che deslubiari Sior mio! Vegnimo tanto fatti.

Anet. Malignazo!

(*da sè*)

Bast. Ma questo Aneta no xe gnente.

El farse respettar me preme dalla zente.

El Mondo de sto tempo pretende esser burla.

Chi porta el meggio abito, xe el meggio respettà.

Ebben lo burleremo. Subito domattina,

Se fazzo sto negozio, ve vesto da Regina

Ve recordeu quell' abito, che m' ha lassa mia Nona?

Quel capotin, quel corolo, che ga la so patrona?

Anet. A mi quell' antigagia?

Bast. Mò via no la se islizza.

Me par mo in sta maniera vestirve da novizza.

La povera mia Nona la se l' ha fatto a posta.

Anet. Un abito bifonto che ga tanto de crosta!

Bast. Cossa po galo alfin. El ga cento, e vint' anni;
Perchè Sior mio, che sogio mi, perchè no volè affanni.

Dosevi scovolarlo tre, o quattro volte al mese.

Troveghene un compagno in tutto sto paese.

Me farò un codegugno da portar mi.

Anet. Pazienza.

Co no ghe xe de meggio, piuttosto stago senza.

(Za no ghe sto pericòlo, Pierin mè l' ha impromesso;
Sarò la so novizza, co' el vien adesso adesso) (*da se*).

Bast. El lo gran codegugno, la so perucca niova.

Tabarro per bon tempo, tabarro per la piova.

I lo noni, le fiube, che sia de qualche costo.

El conto v' a pulito, ma el fazzo senza l' osto

Quei baroni no i vien. Canaggie maledette.

Anet. El tafa che i xe quà.

S C E N A II.

Pierino, e *Momolo* mascherato con quattro uomini,
che portano li quattro sacchi.

Bast. O H siele benedette.
Lustrissimo, Celenza

Pier. Patroni.

Mom. Vi saluto.

Bast. Vegnà avanti quei zoveni, Son quà anca mi in ajuto
O cari

PARTE SECONDA.

O cari o benedetti. Metteli do per banda

(*bacia i sacchi*)

Mom. La robba è preparata?

Bast. L'è quà cò la comanda.

Mom. Prendete, ecco il contratto che feci stipulare.

Tornatèlo a rileggere, e dite che vi pare?

Questo xe el gran momento. (*da sè*)

Pier. Sareu la mia Novizza? (*piano ad Aneta*)

Me sento drento el stomègo un fuoco ché me impizza.

Anet. Si care le mie viscere dispone pur de mi. (*piano a*

Sarà tutto ben fatto, dirò sempre de sì. (*Pierino*

Mom. Va bene? (*a Bastian*)

Bast. Va benissimo.

Mom. Adunque l'accettate?

Bast. Bastian no xe capace de far ste baronate.

M'ho sottoscritto, e basta.

Mom. Eppur non basta questo.

Ci voglion testimonj.

Bast. Li cattaremo presto.

No ghe sti quattro zoveni?

Mom. Sibbene; e promettete

In faccia lor che pronto il tutto eseguirete?

Bast. Prometto.

Mom. Ebben quei giovani venite pur avanti

Bast. Bisognerà Sior mio pagarli, sti birbanti. (*da sè*)

Mom. Scrivete i vostri nomi. (*a 4. uomini che scrivono*)

Pier. Gran sorte che la ga. (*a Bastian*)

Anet. El pol dir veramente son nato fortuna.

Bast. O cari o benedetti. Permettela Celenza. (*bacia i sacchi*)

Che me consola el cuor, che averza?

Mom. No pazienza.

Le mercanzie ove sono?

Bast. Le xe in quel camerin,

Ma per far sto negozio ghe vol più de un facchin.

Mom. Ci son questi quattro uomini. E li che cosa c'è?

Bast. Fagoti de più sorte de marcanzie ghe xe.

Li ho parecchiai a posta.

Mom. Benissimo, ben fatto.

Adunque si eseguiscono i patti del contratto.

Bast. Che vaga a tior la robba?

Mom. Si.

Bast. Vago zentilomo.

Mom. Guardate che sia tutto.

Bast. Bastian' xe un galantomio.

Mom. Seguitelo voi pure.

Bast. Ah donca nol se fida?

Mom. Io rido.

Bast. De ste cosse no voggio che la rida.

Pier. El fa perche i lo ajuta.

Bast. Che i vegna; ma a sto patto.

Mom. Il fò perche adempito rimanga il mio contratto.
Voi mi vendete il tutto, e il tutto appunto io voglio.
Voi solo non potete supplire a quest'imbroglio.
Convien cavar li quadri, li scanni, e che so io.
In sòmma io voglio tutto.

Bast. Me burlela Sior mio?

Infina le careghe!

Mom. Se no, io non vi pago.

Così parla il contratto.

Bast. Celenza no ghe stago.

Mi ghe vendo la robba....

Mom. Ma niente eccetuatto.

Bast. I quadri, le careghe!

Mom. Così parla il contratto.

Bast. Sta condizion Sior mio l'è un poco troppo dura.

Anet. El varda i quattro sacchi, e passa la paura

Bast. Che crepa l'avarizia. Voi far de tutto. Andemo
Zacchè m'ho messo in ballo bisogna che ballemo

(parte co' 4. uomini)

Pier. El vol ballar oe Momolo el xe de bona pasta

Mom. Che el balla pur che el balla, infin che digo basta

Pier. El se ne incorzera

Anet. Ma nù ghe femo drento.

Infin che no son vostra mi tremo ogni momento.

Pier. Fe conto che ghe siè, che el vecchio sia burla

Anet. L'ho fatto anca za un pezzo, e sì l'è sta fala

Mom. Eh sta volta nol falla. Nol pol tirar più indrio

La carta è stipulada, e el conto xè fenio

Pier. El crepa dalla rabbia.

Anet. Che el crepa pur quel can,

Ma che el crepa sta sera in vece de doman

Mom. Zitto me par che i cria. (và alla porta ad udire)

Pier. Oibò che el xe el martello

I ghe dezipa tutto.

Anet. Che el se destrega ello. (odesi strepito di martello)

Pier. Per dia che nol poteva cascar in meglio man.

Anet.

Anet. Xe giusto che la bissa la becca el zarlatan;
Ma come gaveu fatto sta cabala a inventar?

Pier. O se savèssi Aneta cossa l'amor fa far?

Mom. I butta zo el parè.

Anet. El xè conzà dà festa.

Pier. Sta volta ti xe causa che el se rompe la testa.

Mom. L'ascolta caro ello. O come che el se istizza.

Pier. De farlo tarrocar ti t'ha cavà la pizza.

Anet. In verità che el vien

Pier. Nol pol più aver pazienza.

Mom. Le se metta in contegno che adesso ion Celenza.

S C E N A III.

Bastian, e i detti.

Bast. G Hel dirò a so Celenza coss'è sta infamitae?
Buttarme zo el parè, cavar le balconae.

Per carità Celenza ajuto, protezion;

Se no cospettonazzo che dopero el baston.

Mom. Che c'è Signor Bastiano? Quale questione è inforta
V'han fatto qualche male?

Bast. El Diavolo che i porta

Baroni! In sta maniera se fa el vostro mistier?

La festa, e la decida Sior miò da Cavalier

Mom. Sentiamo

Bast. Ma Celenza la i chiama quà colori

Gnancora no i xe stufi sti ladri traditori.

I me sfracassa tutto. Gran zente malendretta!

Mom. Olà venite quì. (vengono i 4. giovani)

Bast. Celenza benedetta.

Canagie! Biricchini! (a 4. uomini)

Mom. V'han fatto qualche affronto?

Bast. La me ascolta Celenza che adesso ghe la conto.

Vago in quel camerin, colori me vien drio.

Prencipio a desornir, ghe dago tutto el miò.

Drappi, Stoffe, Veludi, Sior mio, gnente sparagno.

I tiol sin le scanzie, no i lascia gnanca un scagno.

I spiona in ogni banda, per tutto i da del naso.

E mi lasso che i fazza, dago da mente, e taso

Za no ghe xe più gnente, za tutto i ha porta via;

E mi vago difendo sta solfa xe fenia.

Made Sior mio. Baroni! Celenza l'indovina,

A cossa

A cossa mai che zonze sta razza malandrina.
 Uno de sti baroni se volta all'improvviso,
 Cheza l'è un gran miracolo, Sior mio, se no lo sfilo.
 Uno de sti baroni se volta, e me domanda;
 Chi ha fatto quel parè che xe da quella banda?
 Son sta mi ghe respondo, ma el me xe costa assae
 Salta sù allora un altro: e quelle balconae?
 La senta se i xe ladri, e ladri de soppie?

Mom. E voi?

Bast. E mi bonomo respondo le xe mie.

Mom. E loro?

Bast. Tio el martello e buttemele zò.

Mom. E voi?

Bast. Me metto in mezzo, e sbraggio, e zigo nò.

Mom. E loro?

Bast. I me risponde l'è robba del patron.

Mom. E voi?

Mom. E mi domando ajuto, e protezion.
 La xe un Cavalier giusto, e questo è el mio conforto.
 Hoggio rason Sior mio la diga?

Mom. Avete torto.

Bast. Come torto Sior mio? Baroni i xe Celenza.

Mom. Abbiate caro amico un pò di sofferenza.
 Vi ricordate più che dica il mio contratto?

Bast. E dai, che vendo tutto.

Mom. Ma niente eccettuato.
 Che s'è così potrebbesi far loro riprensione?

Bast. Che vol dir mi go torto?

Mom. Ed essi hanno ragione.

Bast. Donca?

Mom. Dunque volendo potrei anche obligarvi
 Nel parè, e ne' balconi ma voglio contentarvi;
 E giacchè questa perdita cotanto vi dispiace,
 Io ve ne fo un regalo, e sia fatta la pace.

Bast. Onde Sior mio ho da taser?

Anet. Ghe dubbio?

Mom. Certamenre.

Pier. Anzi el ghe renda grazie, che el xe cussì clemente.

Mom. No no che non s' incomodi. Non vò questa fatica.
 No voggio che el ringrazia el boggia che lo pica. (a se
 Orsù guardate bene non perdergli il rispetto. (a 4. gio-

Bast. El Ciel ghelo remunera. Mo siela benedetto. (vanti
 Che

Che i lascia star in pase n'è vero le scanzie?

Mom. Sì, basta che mi portino le sole mercanzie.

Bast. Anca el parè n'è vero, anca le balconae?

Mom. Sì.

Bast. A questa se ghe dise dasseno caritae.

Mom. Vedete se mi scordo i parti del contratto?

Adesto mi lusingo che siate sodisfatto.

Bist. La reslerà contenta.

Mom. Di questo non ne dubito.

Orsù dunque sbrigatevi.

Bast. La servo, e vegno subito.

Putti vegni con mi.

Mom. Non voglio altre questioni.

Bast. Celenza no la dubita. Sta volta i fara boni. (*parte co' 4.*

Pier. Va là che te prometto, ti m'ha fatto restar. (*giovani*

Mom. Sti quattro galantomani la gà da ringraziar. (*accenando*

Anet. Celenza la se accerta, mi gò tutta la stima. (*li 4. sacchi.*

Mom. Celenza fogo in manega. Baroni come prima.

Pier. Sangue de mi, el fa presto.

Anet. Ghe preme i quattro sacchi.

Mom. O voggio, che ridemo a spalle dei macacchi.

Pier. Chi sa fora quei sacchi che conto el ghe fa fuso?

Mom. Dasseno che sta volta el conto ghe va sbulo.

Anet. Cosa è ghe li toleu?

Mom. O giusto! Poverazzo.

No go sto cuor de vederlo andar a farse un lazzo.

Pier. No gramo no volemo portarghe de sti lotti.

Mom. Cosa el dirà col vede ch' i è tutti veri rotti?

Anet. Ghe xe dufento doppie.

Mom. Le se ghe pol lassar.

Podemo in sta maniera lassarse minchionar.

Bisogna pur che el viva.

Pier. Per mi, mi me contento.

Tutto sta che el so diavolo nol fazza vardar drento.

Mom. L'ha da parlar con mi sto razza sfondradona.

Anet. Prego el Ciel che sta volta el ne la manda bona.

Pier. Da brava seve anemo. Avemo fatto el più.

Anet. La mia angossa, el mio spalemo l'è tutto amor per vù.

Pier. Oe mettite la maschera.

Anet. L'è quà sto vecchio grimo.

Mom. Le lascia pur che el vegna, che adesto la fenimo.

S C E N A IV.

Bastian, 4. Giovani, e detti.

B. 1.st. **P**Utti disè vu altri, se ho fatto contrabandi?
Celenza xe qua tutto, adessò la comandi.

Mom. Ebbene ite alla riva, chiamate.

East. Una peatta.

Un battello Sior mio, in somma quel che i catta.
Se sponde el fo da otto, se carga...

Mom. Ma bel bello;
Lasciate che finisca. Chiamate il mio battello.

B. 1.st. Ah la lo ga Celenza?

Mom. Sicuro, è preparato.

B. 1.st. E quanto ela d' accordo?

Mom. Un quarto di ducato.

B. 1.st. Un quarto de ducato! I è bezzi buttai via.
Perchè no far che chiappa Bastian sta sanfaria?
Alla più desperada in calo de bisogno,
Averia vogà mi, che za no me vergogno.

Mom. Un mercante in perucca?

B. 1.st. Un povero meschin,
Che gà necessità infina de un quattrin.

Mom. Amico in altro tempo. Frattanto carricate
Il battello che è a riva.

B. 1.st. Adasio. (*trattiene gli uomini che vogliono*
Mom. Cosa fate? (*levar le mercanzie*

B. 1.st. Vorave...

Mom. Dite pure.

B. 1.st. No voggia che el se istizza.

Mom. Dite.

B. 1.st. Prima la dota, e dopo la novizza.

Mom. Che vuol dire?

B. 1.st. I mii bezzi.

Mom. E giusto che li abbiate.

B. 1.st. Prima averzer, vardar.

Mom. Aprite pur, guardate

B. 1.st. O care! (*aprendo un de' sacchi, e vedendo le doppie*)

Mom. Portè via, e po tornè quà subito (*a 4. giovani che*
(asportano la robba

Alto là. (*a Bastiano, che vuol levare da sacchi le*
B. 1.st. A un galantuomo! (*doppie*

Mom.

PARTE SECONDA.

- 24
Mom. Di questo non ne dubito.
Bast. Ma donca?
Mom. A me la robba, e poi di dò ogni cosa.
 Dirò come voi dite la dote, e poi la sposa.
Bast. Come! No halla buo tutto?
Mom. Pretendo prima il resto.
Bast. Cossa ghe manca altro?
Mom. Ciò che mi manca è questo (*afferando*
 (*Aneta per un braccio*))
Bast. Come! Son fassinà. Ajnto la mia Puta.
Mom. Non è più vostra adesso. L' avete a me venduta.
Bast. Come Sior mio! Fallada.
Pier. Sta volta el fala ello.
 La parola xe dada, e lu no xè un putello.
Bast. Parola!
Mom. Si parola. Vi siete sottoscritto.
 Mettetevi gli occhiali guardate quel ch'è scritto.
Bast. Queste xè baronae, Sior mio mi no la tegno.
Mom. E la parola vostra?
Bast. Son quà ghe la mantegno.
Anet. Cossa vorlo Sior Barba sta volta, el li contenta,
 El leza quella carta, quel che xè scritto el senta.
Bast. No son un imemoria. La soa xè una panchiana,
 Mà pur voggio cavarve gallioti sta pavana.
Pier. Gallioti a un Pallazista!
Mom. Ad un par mio galeotto!
Pier. Se femo dò gallioti lal faverà debotto
Mom. Se vegnisse quei putti! (*piano a Pierin*)
Pier. I doveria far presto. (*piano a Mom.*)
Anet. Alliegri che i xè quà.
Mom. El tempo è giusto questo.

S C E N A V.

Li quattro Giovani, e detti.

- Bast.* **Q**Ua dise vendo tutto quello che xè in bottega.
Mom. E questo appunto io voglio
Bast. Ebben chi ve lo nega?
Mom. Ma quando avete scritto non era qui anche Lei?
 Ebben dunque la prendo, e vò pe' fatti miei.
 Voi l' avete venduta, Padrone io ne sono.
 E come robba nostra amico ve la dono. (*a Pierin*)
Pier.

Pier. Emi da ela la tiogo, e questa xè la man. (*dala mano ad*
No la me la vol dar, n'è vero Sior Bastian? *Anet.*)

Bast. Sangue de sta perucca sè un pezzo de baron.

Mom. Oe vecchio abbiè giudizio, che quello è el mio paron.
(*si leva la maschera*)

Bast. Momolo! Ah birba, ah ladro. Sticearla da Celenza?

Mom. Sior mio ghe l'ho ficcada, Sior mio ghe vol pazienza.

Bast. Te mazzero furbazzo.

Mom. Son stuffo de strambotti.

Amici tirè fora quei vostri candelotti. (*i 4. giovani mo-
strano 4. legni nascosti.*)

Bast. Cossa diseu vu Aneta? Me sento che m'impizzo.

Anet. Che el vaga pur in cenere, ma questo è el mio novizzo.

Bast. El vole? E vù tiolevelo; no sò pò cossa far.

Andè pur in malora, andeve a far squartar.

Farse copar per vu faria una debolezza.

Questi farà el mio sangue, questi farà mia Nezza.

Cussi el proverbio antico dirà la verità.

Che chi minchiona i altri, da i altri è minchionà

Pier. Adeffo stemo freschi. (*va per votar li sacchi*)

Anet. Sta volta si el ne mazza.

Mom. Che el prova se el vol veder a far una fugazza.

Bast. Cossa vedio? Baroni! Che tradimento è questo?

Vesbregherò el contratto.

Pier. El tafa, e el fazza presto.

Bast. Che tafa! Impè de doppie. Cartar dei veri rotte?

Voi parlar.

Mom. Felo taser co' i vostri candelotti.

Bast. Anderò alla Giustizia.

Pier. Per mi lasso che el vaga.

Anet. Sibben, ma voggio prima la dota che el me daga.

Bast. Che dota?

Anet. Tutto quello che m'ha lassà mio Pare,

La robba de mia Amia, la dota de mia Mare;

Quel che giera in bottega, el giera tutto mio.

Ghe l'ho lassà fin desso, e adesso el voggio indrio.

Bast. Domandeghelo a lori che i l'ha truffa cussì.

Anet. Donca el se quieta, e el lassà che me destriga mi.

Bast. Fè che i ve daga el vostro.

Anet. Questo xè mio Mario,

E tutto sò diventa quello che gera mio.

Tutti quei capitali, che Momolo ha comprà.

Xe giusto che i sia soi, zacchè lu m'ha sposà.

Mio Barba che ghe basta d'aver godesto i fruttì,
E cò mi sòn contenta che sia contenti tutti.

Pier. Per mi co vù se mia, no sò voler de più.

Mom. E mi farò contento, cò creperà culù. (*accennando Bast.*)

Bast. Senti sà biricchin, furbazzo dei furbazzi.

Mom. Tegna, avaro, peocchioso.

Pier. A monte sti strapazzi.

Se ti ti xè stà bravo, ti ha da esser anca bon,

E ela Sior Bastian la prego de perdon.

Se mi l'ho chiappà in rede, se lu l'ha minchionà;

L'è stà la se assicura amor, necessità.

Aneta mi adoravà, l'ho fatta domandar.

Gò tentà tutto quello che mai se pol tentar.

Per quanto ghe studiàse no ghe stà mai costrutto.

Gò cattrà sempre duro, ma amor fa far de tutto.

Dove no val la forza se dopera l'inganno.

Donca se l'ho ingannà, bisogna dir sò danno.

Se go buo la sò dota mi la doseva tior,

E lu doseva darmela per forza o per amor.

Bast. E le strulcie Sior mio che ho fatte per sti anni?

E el tempo butta via.

Pier. No voggio altri malanni.

Le fadighe vol premio. El premio xè la drento.

Ghe xè dufento doppie. La pol esser contento.

Ghe fazzo sto regalo, anzi perchè la tala,

Ghe cedo mezzo el scrigno, e tutta la mia casa.

Se autorità me tlogo, la me xe stada dada.

Sè dono la so robba, Ella me l'ha donada.

Casa mià doncà è soa, la gaverà el so letto.

La gaverà la tola, l'esiggerà rispetto.

El dà un occhiada a Momolo. Lu serve el so paron,

E se el me ga ubbidio l'è degno de perdon;

Si che la vorrà darghelo insieme col sò amor.

Lù sarà bon Paron, e lu bon servitor,

Cussì la pafe è fatta, cussì tornemò amici.

Cussì xè giusta tutto, cussì semo felici.

Anet. Felici! Oh la fallè! Forbimose la bocca.

El conto saria bello ma farlo a vù ve tocca. (*all'udienza*)

Cuori gentili e amabili che ancuò n'avè grazia,

Disè; ne assicureu d'averne perdonà?

Perchè siemo felici ne basta una parola;

Ne basta un vostro bravi che tutti ne consola,

Anca el nostro Poeta xe degno de perdon,

De componer Commedie nol fa la profession .
L' hà composto sta Farfa per sò devertimento ,
A certi Dilettanti per far un complimento ;
In diese dì el l' hà fatta ; a farla i l' hà costretto .
El lo sà , el lo confessa ; ghe xè qualche difetto .
Del Publico giudizio el gà tanto rolsor
Che nù per recitarla gavemo fatto cuor .
Eh via che el se consola . El xè pur Venizian .
Nol sà che i Veniziani gà un cuor de marzapan ?
Si el farà compatio , anzi anca nù con ello .
Venezia xè un paese ch'è bon quanto el xe bello .
Dai Siori Veniziani tutto sperar mi posso ;
Patroni mi son furba , e ai occhi ve cognosso .
Chi nò accetta el bon cuor nò è vero Venizian ;
E i veri Veniziani ne sbatterà le man .

FINE DELLA FARSA.

27 1/2

1. The first of these is the fact that the
 2. second of these is the fact that the
 3. third of these is the fact that the
 4. fourth of these is the fact that the
 5. fifth of these is the fact that the
 6. sixth of these is the fact that the
 7. seventh of these is the fact that the
 8. eighth of these is the fact that the
 9. ninth of these is the fact that the
 10. tenth of these is the fact that the

THE ALLIED STATE

in Col. 100

2553877

